



Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Caput VII. De Sacmentorum effectibus.

urn:nbn:de:hbz:466:1-40834

CAPUT VII.

De Sacramentorum effectibus.

Quæst. 1. **Q**UINAM sunt effectus Sacra-
mentorum?

*2. Corinth.
cap. 1.*

*ad Ephes. c.
5.*

Resp. Duo præcipui: primus est character, quem imprimunt in anima, juxta illud Apostoli: *Vnxit nos Deus qui & signavit nos, & dedit pignus Spiritus in cordibus nostris.* Apostolus characterem designat dum dicit *signavit nos*, sigillum enim hoc habet peculiare, ut signum aliquod imprimat.

Secundus autem magisque præcipuus Sacra-
mentorum effectus, est gratia sanctificans,
quam Sacraenta communicant, juxta illud
Apostoli *Christus dilexit Ecclesiam, & se ip-
sum tradidit pro ea, ut illam sanctificaret,*
mundans lavacro aqua in verbo vite.

Quæst. 2. **Q**uid est character?
Decret. Eug. *Est spirituale quoddam signum à cate-
genii, IV. in Conc. Florent. in Instr. ad Ar-
tifices.*

Resps. Character, ut dicitur in Decreto Eu-
genii, *Est spirituale quoddam signum à cate-
ris distinctivum, anima indelebiliter impres-
sum Hec definitio satis explicabitur per res-
ponsa sequentibus quæstionibus danda.*

Quæst. 3. **Q**uænam Sacraenta imprimunt
characterem?
Conc. Trid. *Si quis dixerit, inquit, in tribus Sa-
craementis, Baptismo, Confirmatione, & Or-
do. De Sacram. in geuere.*

Resps. Definitum est à Concilio Tridentino,
tria esse Sacraenta quæ characterem impri-
munt. *Si quis dixerit, inquit, in tribus Sa-
craementis, Baptismo, Confirmatione, & Or-
do. De Sacram. in geuere.* non imprimi characterem in anima, hoc
est signum quoddam spirituale & indeleibile,
unde ex iterari non possunt, anathema sit.

S. Boni. 6. *Rationem quam tradit Divus Bonaventura,*
P. breviloq. *naturam characteris pleniùs explicabit;* Quo-

De Sacramentis. Cap. VII. 39

niam, inquit, triplex est status fidei secun- qui*i. cap. 6.*
dum quem habet fieri distinctio in populo De Sacram.
Christiano, in acie Ecclesiastica & Hierarchia: iteratione.
scilicet status fidei genita, roborata, & mul-
tiplicate. Secundum primum fit distinctio fide-
lium ab incredulis; per secundum fit distinc-
tio fortium ab infirmis & debilibus. Secun-
dum tertium fit distinctio Clericorum à Laï-
cis. Hinc est, quod illa Sacra menta, qua re-
cipiunt triplicem fidei statum prædictum.
Characteres imprimunt, per quos indelebiliter
impressos semper distinguunt: ac per hoc nun-
quam iterari possunt. Quoniam ergo Baptis-
mus respicit statum fidei genita, in quo popu-
lus Dei distinguitur ab incredulis, ut Israëli-
ta ab Ægyptiis. Et Confirmatio respicit statum
fidei roborata, in quo distinguitur populus
fortis ab infirmis, sicut pugiles ab his qui ad
pugnam non sunt idonei. Et Ordo respicit sta-
tum fidei multiplicate, in quo distinguitur
Clerus à Laïcis, sicut Levite ab aliis Tribu-
bus. Hinc est quod in his tantum tribus Sa-
cramentis characteres imprimuntur.

Idem luculenter explicat sanctus Thomas: D. Tho 3. p. 63. art. 3.
Sacra menta, inquit, nova legis ad duo ordi-
nantur, videlicet ad remedium contra pecca-
ta, & ad perficiendum animam in his qua
pertinent ad cultum Dei secundum ritum
Christianæ vita. Quicumque autem ad ali-
quid certum deputatur, consuevit ad illud
consignari, sicut milites; qui adscribantur
ad militiam, antiquitus solebant quibusdam
characteribus corporalibus insigniri: eo quod
deputabantur ad aliquid corporale. Et ideo
cum homines per Sacra menta deputentur ad
aliquid spirituale pertinens ad cultum Dei,
consequens est quod per ea fideles aliquo spiri-
tuali charactere insigniantur.

40 TRACTATUS I.

Quamvis autem homo per omnia Sacra-
menta fiat particeps Sacerdotii Christi , utpotè
percipiens aliquem ejus effectum , scilicet gra-
tiam : non tamen per omnia Sacra-
menta deputatur ad aliquid agendum , vel recipiendum,
quod pertinet ad cultum Sacerdotii Christi,

D. Tho. ibid. sed tantum per tria prædicta : *Ad agens in Sa-*
a. 6. in corp. cramentis , inquit idem sanctus Thomas , per-
& ad 1.

pertinet Sacramentum Ordinis : quia per hoc Sa-
cramentum deputantur homines ad Sacra-
menta aliis tradenda. Sed ad recipientes pertinet
Sacramentum Baptismi : quia per ipsum acci-
pit potestatem recipiendi alia Ecclesia & Sacra-
menta : unde Baptismus dicitur esse janua
omnium Sacramentorum. Ad idem etiam or-
dinatur quodammodo Confirmatio , ut infra
*dicitur : & ideo per hæc tria Sacra-
menta Character imprimitur.*

Quest. 4. Character est-ne indelebilis ?

Resp. Id jam diximus ex Tridentino supra
D. Tho. 3. p. relato , & , ut ait Divus Thomas , Post hanc
q. 63. art. 5. vitam remanet character , & in bonis ad eo-
ad 3.

rum gloriam , & in malis ad eorum ignomi-
niam : Sicut etiam militaris character rema-
net in militibus post adeptam victoriam , &
in iis qui vicerunt , ad gloriam ; & in his qui
fuerint vici , ad pœnam.

Quest. 5. Sacra-
menta imprimunt-ne cha-
racterem in iis qui illa recipiunt in statu pecca-
ti mortalis ?

Resp. Imprimunt certè , modò dispositiones
omnes necessariæ ad validitatem Sacra-
menti , adhibeantur , tum à conferente , tum à susci-
piente Sacra-
mentum. *Satis eluxit* , ait Divus

Can. Quomo-
do. De Conse-
cr. dist. 4. Augustinus relatus in Canone , Pastoribus Ec-
clesia Catholica , & ovem qua foris errabat &
dominicum characterem foris accipiebat , ve-

nientem ad Christiana unitatis salutem ab

De Sacramentis. Cap. VII. 41

errore corrigi : Characterem tamen dominum in ea agnosci potius quam improbari : quandoquidem , ipsum characterem multi lupi , & lupis infiunt. Hoc est iis qui cum prava dispositione Sacraenta suscipiunt.

Quæst. 6. Quinam sunt effectus characteris ?

Resp. Ex Divo Thoma, Character præcipue tres habet effectus in anima. *Divinus cultus*, D. Tho. 3. p. 6 ait Divus Thomas , consistit vel in recipiendo q. 63. art. 2. aliqua Divina , vel in tradendo aliis ; ad in corp. utrumque autem horum requiritur quadam potentia : nam ad tradendum aliquid aliis, requiritur quadam potentia activa : ad recipiendum autem requiritur potentia passiva : & ideo character importat quandam potentiam spiritualem ordinatam ad ea quæ sunt *Divini cultus* : Et ideo primus effectus characteris est quædam potentia spiritualis , ordinata ad ea quæ sunt *Divini cultus* : & hæc potentia est aut activa aut passiva : passiva in Sacramento Baptismi , qua homo fit capax ad alia Sacraenta recipienda : activa vero in Sacramentis Confirmationis & Ordinis , quoniam quidem per confirmationem , homo fit idoneus ad profitendam fidem , per Ordinem vero ad conferenda aliis Sacraenta.

Secundus effectus characteris , ut tradit idem Doctor , est character Christi. Manifestum est , ait Divus Thomas , quod character Sacramentalis specialiter est character Christi , cuius sacerdotio configurantur fideles secundum sacramentales characteres , qui nihil aliud sunt quam quadam participationes Sacerdotii Christi ab ipso Christo derivata. Unde qui per Sacraenta characterem recipit , Christo fit similius , quamvis qui non recipit.

Tertium autem effectum sic explicat Divus

42 TRACTATUS I.

D. Tho. ibid.
art. 3. ad 3. Thomas : Dicendum quod charactere distinguitur aliquis ab alio per comparationem ad aliquem finem in quem ordinatur qui characterem accepit : Sicut dictum est de charactere militari , quo in ordine ad pugnam distinguitur miles Regis à milite hostis . Et ita character distinguit fideles Christi à mancipiis diaboli . Propter hæc tria character varia sortitur nomina ; quia enim nos aptos reddit ad suscipienda vel dispensanda sacramenta seu ad peculiaria quædam Christianæ Religionis Officia Deo consecrat , dicitur hominis consecratio , sanctificatio , & ad Dei cultum dedicatio ; quia autem nos Christo Domino speciali ratione configurat , dicitur potestas recipiendi , vel dandi sacramenta & sacra ; quia denique unum hominem ab altero , v. g. baptizatum à non baptizato , confirmatum à non confirmato , Sacerdotem denique à Laïco secernit , sigillum à sanctis Patribus appellatur .

Quæst. 7. Sacramenta conferunt-ne gratiam ?

Decret. Eug. IV. in Concil. Florentini , Septem sunt sacramenta nova legis , quæ multum ab antiquis differunt ; illa enim non causabant gratiam , sed eam solum per Passionem Christi dandam figurabant : Hæc verò nostra & continent gratiam , & ipsam dignè suscipientibus conferunt .

Concil. Trid. si quis dixerit , inquit Concilium Tridentinum , Sacramenta nova legis non continere gratiam quam significant , aut gratiam ipsam non ponentibus obicem non conferre , quasi signa tantum externa sint accepta per fidem gratiae vel iustitiae , & nota quadam Christianæ professionis , quibus apud homines discernuntur fideles ab infidelibus , anathema sit .

De Sacramentis. Cap. VII. 43

Hausit hanc veritatem Ecclesia ex Scriptura
sacra & sanctis Patribus. Joannis 3. *Nisi quis
renatus fuerit ex aqua & Spiritu-sancto, non
potest introire in Regnum Dei:* Ubi regenera-
tio spiritualis quæ sit per gratiam, tribuitur
aqua Baptismi, & Spiritui sancto: aquæ qui-
dem, tanquam causæ instrumentalis, & Spi-
ritui-sancto ut causæ principalis. *Quare Divus
Agustinus explicans prædicta verba Joannis,*
ait, *Non enim scriptum est, Nisi quis rena-* D Aug. E-
tus ex parentum voluntate, aut ex offeren- pift. 23.
tium, vel ministrantium fide: sed, nisi quis
renatus fuerit ex aqua & Spiritu-sancto:
Quid clare satis ostendit, dici non posse se-
cundum sanctum Augustinum, fidem confe-
rentis aut suscipientis Sacramentum esse cau-
*sam gratiæ, sed solùm aquam cum Spiritu-
sancto.*

Ec Divus Paulus ad Ephesios cap. 5. ait:
Christus dilexit Ecclesiam & tradidit semet-
ipsum pro ea, mundans eam lavacro aquæ
in verbo vita. Et ad Titum cap. 3. dicit:
Salvos nos fecit per lavacrum regenerationis:
Ex quo constat, Sacraenta esse causas nos-
træ salutis gratiam conferendo.

Sanctus Thomas, ait; *Ex multis Sancto* D Tho. 3. p;
rum autoritatibus habetur, quod Sacramen- q. 62. art. 1.
ta nova legis non solùm significant, sed cau- in corp.
sant gratiam; & ideo dicendum quod duplex
est causa agens principalis & instrumentalis:
Principalis quidem operatur per virtutem sua
formæ cui assimilatur effectus, sicut ignis suo
calore calefacit; & hoc modo, nihil potest
causare gratiam nisi Deus, quia gratia nihil
aliud est quam quadam participata similitu-
do naturæ divina secundum illud. 2. Petr. 1.
MAGNA NOBIS ET PRETIOSA
DONAVIT, UT DIVINÆ SIMUS

44 TRACTATUS I.

CONSORTES NATURÆ. Causa verò instrumentalis non agit per virtutem sua formæ, sed solum per motum quo movetur à principali agente. Vnde effectus non assimilatur securi, sed arti, qua est in mente artificis. Et hoc modo Sacraenta nova legis gratiam causant: adhibentur enim ex divina ordinatione hominibus ad gratiam in eis causandam. Vnde Augustinus dicit, contra Faustum cap. 19. hac omnia (scilicet Sacraenta) fiunt & transeunt; virtus tamen (scilicet Dei) qua per illa operatur, jugiter manet. Hoc autem propriè dicitur instrumentum, per quod aliquis operatur. Vnde ad Titum 3. dicitur: SALVOS NOS FECIT PER LAVACRUM REGENERATIONIS.

Quast. 8. Quomodo Sacraenta novæ Legis conferunt gratiam?

Resp. Sacraenta conferunt gratiam, ut aīunt Theologi, Ex opere operato, hoc est illam conferunt immediate ex se ipsis, per virtutem receptam à Passione Christi, qui nostram operatus est salutem; ita ut non solum intuitu meritorum conferentis, aut suscipiens Sacramentum gratia conferatur, sed intuitu meritorum Christi, qui instituit Sacraenta eisque hanc virtutem communicavit.

Quod quidem probatur primò ex Divo Thoma qui ait: In Baptismo confertur gratia q. 70. art. 4. ex virtute ipsius Baptismi, quam habet in corp. quantum est instrumentum Passionis Christi jam perfecta: Quod nos vocamus producere gratiam Ex opere operato, ut jam diximus.

Probatur secundò authoritate sancti Leonis Papæ: Originem, inquit, quam sumpsit in utero Virginis, posuit in fonte Baptismatis, dedit aqua quod dedit matri: virtus enim Altissimi & obumbratio Spiritus-sancti qua se-

S. Leo. Sermonे 5. De Nativit Domini. versus finem.

De Sacramentis. Cap. VII. 45
erò
rit
à
a-
is.
im.
a-
m.
ip.
G.
a-
m.
li.
A-
it
r-
M.
n.
o.
a.
n.
li.
s.
-
-
0.
a.
*cit ut Maria pareret Salvatorem, eadem facit
ut regeneret unda credentem.*

Denique Concilium Tridentinum sic habet:
*Si quis dixerit per ipsa nova legis Sacra- Concil. Trid.
menta ex opere operato non conferri gratiam, ana- fess. 7. Can.
themata sit.*

Quæst. 9. Quomodo Sacra- menta legis veteris, id est Mosaicæ, conferebant gratiam?

Resp. Illam conferebant tantum ex opere operantis, hoc est non per virtutem quæ fuerit in ipsis ex meritis Passionis Christi, seu ex opere operato, sed dumtaxat intuitu solius meriti, & dispositionis, quæ erat in recipien- tibus.

Probatur primò ex supradicta autoritate Eugenii IV. in Concilio Florentino, ubi ait: *Sacra- menta nova legis multum à Sacra- mentis differunt antiquæ legis; illa enim non causabant gratiam, sed eam solum per Passio- nem Christi dandam esse figurabant: hac ve- rò nostra, & continent gratiam, & ipsam dignè suscipientibus conferunt.* Quod evidenter probat Sacra- menta veteris legis non contulisse gratiam *Ex opere operato;* quoniam con- ferre gratiam *Ex opere operato,* est eam pro- ducre per virtutem, quæ in ipsis sit ex meritis Passionis Christi: Concilium autem definit *Sacra- menta antiquæ legis, non habuisse in se* tam virtutem.

Quod explicat sanctus Augustinus his ver- bis: *Alia sunt Sacra- menta dantia salutem, alia promittentia Salvatorem: Sacra- menta novi Testamenti dant salutem; Sacra- menta veteris Testamenti promiserunt Salvatorem: mutata sunt Sacra- menta, facta sunt faciliora, pauciora, salubriora, felicia. Quæ verba satis ostendunt, Sacra- menta veteris le- gis non contulisse gratiam, per virtutem ali-*

D. Augus-
tinus in Psal.
73.

46 TRACTATUS I.

quam quæ in ipsis fuerit; quoniam si ita contulissent, tantam vim, & virtutem habuissent, ut Sacraenta novæ legis: quod quidem contrarium est Scripturæ sacræ, & sanctis Patribus.

D. Th. i. 2.
q. 103. art. 2.
in corp.

Denique sanctus Thomas ait; *Veteris legis ceremonia non poterant in se continere realiter virtutem profluentem à Christo incarnato & passo, sicut continent Sacraenta novæ legis, & hoc est quòd ad Galatas 4. Apostolus vocat ea, egena & infirma Elementa: Infirma quidem, quia non possunt à peccato mundare: sed hec infirmitas provenit ex eo quòd sunt egena, id est eo quòd non continent in se gratiam.*

Hic autem advertendum est quod quando asserimus, Sacraenta novæ legis producere gratiam per virtutem, quæ in ipsis sit, ita explicantes illud Tridentini *Ex opere operato*, non intendimus, quod Concilium, aut Eugenius Papa determinaverit, credendum esse sub pœna anathematis, Sacraenta nostra producere gratiam per virtutem, qualitatem, aut motionem physicam, ut explicant discipuli Divi Thomæ, à quo ne punctum quidem recedimus; scimus enim sententiam aliorum Theologorum, qui Causalitatem tantum moralem circa gratiam tribuunt Sacraentis novæ legis, propugnari etiam posse, ut conformem Doctrinæ Concilii Tridentini & traditioni.

Durandus in
4. dist. 1. q.
4. n. 190

Alia est etiam opinio, ut ait Durandus, antiqua, & sine calunnia, & magis, ut mihi videtur, consona dictis Sanctorum: scilicet quod in Sacraentis non est aliqua virtus causativa gratiae, characteris vel cuiuscumque dispositionis seu ornatus existentis in anima; sed sunt causa sine qua non confertur gratia; quia ex divina pactione vel ordina-

De Sacramentis. Cap. VII. 47

tione sic sit quod recipiens Sacramentum, recipiat gratiam nisi ponat obicem, & recipit gratiam non à Sacramento, sed à Deo: Nec ab ea deflectere videtur Divus Bernardus, dum ait, *Sicut Canonicus investitur per librum, Abbas per baculum, Episcopus per baculum & annulum simul, sic diversa gratia diversis sunt tradite sacramentis.*

Quare sapienter notavit Cardinalis Bellarminus, lib. 2. de Sacram. cap. 1 §. Secundò notandum. Satjs esse in hac re credere, quod justificatio fidelium sequatur ex eo quod quis recipit Sacramentum, v. g. Baptismum: Ut verè ex eo quod quis baptizatur, sequatur ut justificetur.

Quod quidem clarius explicatum est ab illustrissimis viris Valemburgis in doctissimis suis Controversiis parte 3. q. 2. ubi dicitur: *Difficultas est de Sacramentorum efficacia. Vbi non queritur an Sacraenta sint causa primariè & propriè effectivè illius gratia quæ confortur, hoc enim solius Dei est: sed an ex opere operato sequatur gratia.*

Quam quidem explicationem hinc inserendam judicavi; quia explicatio horum terminorum *Ex opere operato* ita p' anè confundit confutatque hæreticos, ut eorum plurimi hodie eam agnoscant, eique lübenter subscribant; quin etiam eorum nonnulli plura dixerunt, quam necessarium foret, absolutè loquendo, ut Catholici habeantur in hac parte.

Hugo enim Grotius, celebris Calvinista, in Annotatione ad consultationem Cassandri, articulo tertio ait: *Errant qui Sacraenta esse putant signa tantum accepta gratia, non et am instrumenta per qua Deus operatur. Voluit enim Deus per Sacraenta dare & augere gratiam, ut honoraret Ecclesiam cui tra-*

D. Bernard:
serm. De Cœ-
na Domini,

dita sunt *Sacramenta*, ad nos ipse Ecclesia in corporandos: requiritur quidem in adultis dispositione ut dicitur in *Missa*: **QUORUM FIDES TIBI COGNITA EST ET NOTA DEVOTIO:** Verum efficacia non istis dispositionibus tribui solet, sed Deo, & hoc est quod dicitur ex opere operato.

Quæst. 10. Videtur quod Circumcisio contulerit gratiam *Ex opere operato*, cum plerumque illam suscipientes elicere non possent actus fidei, & aliarum virtutum, quibus gratia potuisset illis conferri intuitu meritorum, quod Theologi vocant conferre gratiam *Ex opere operantis*?

Resp. Divus Thomas huic difficultati sic D. Th. 3. p. respondet: *Dicendum quod in Circumcisione q. 70. art. 4. conferebatur gratia, aliter tamen quam in in corp.*

Baptismo: nam in Baptismo confertur gratia ex virtute ipsius Baptismi, quam habet in quantum est instrumentum Passionis Christi jam perfecta. In Circumcisione autem conferebatur gratia, non ex virtute Circumcisionis, sed ex virtute fidei Passionis Christi, cuius signum erat Circumcisio. Ita scilicet quod homo qui accipiebat Circumcisionem, profitebatur se suscipere talem fidem; vel adulterio pro se, vel aliis pro parvulis; unde & Apostolus dicit, Rom. 4. quod Abraham accepit signum Circumcisionis, signaculum justitiae fidei; quia scilicet justitia erat ex fide significata, non ex circumcisione significante.

Quæst. 11. Sacramenta novæ legis conferunt-ne majorem gratiam illa suscipientibus majore cum dispositione?

Resp. Utique plus gratiæ conferunt magis dispositis, non solùm gratiæ, quæ datur intuitu solius meriti, & solius dispositionis recipientium, quam Theologi vocant *Ex opere operantis*,

De Sacramentis. Cap. VII. 49

operantis, sed etiam illius gratiae, quam Sacramenta conferunt ex virtute receptionis à Passione Christi, quam Theologi vocant *Ex opere operato*; ut enim ait Divus Thomas, *Quamvis Baptismus ut Passio Christi quæ in eo operatur, quantum est de se aqualem respectum ad omnes habeat: quia tamen quidam ad Baptismum cum majori preparatione fidei & devotionis accedunt aliis, ideo quidam aliis majorem gratiam consequuntur.* Hoc autem intelligi debet de gratia quam Theologi vocant *opus operatum*, quæ provenit ex virtute quæ est in Sacramentis per Passionem Christi; cùm ex Divo Thoma hæc virtus nobis communicetur juxta dispositionem, cum qua recipimus Sacra menta.

Quest. 12. Licet-ne aliquid exigere pro administratione Sacramentorum?

Resp. Illud prohibitum est omni Jure divino & humano, veraque est simonia, quam Dominus noster Jesus-Christus expressè prohibuit, cùm dixit Ministris suis, *Grati acceptis, gratis date.* Hinc Concilium Triburiense relatum in Canone, ait: *Dictum est solere in quibusdam locis pro perceptione Christi matis nummos dari, similiter pro Baptismo & Communione.* Hoc simoniaca heres si men detestata est sancta Synodus, & anathematizavit, & ut de cetero nec pro ordinazione, nec pro Chrismate, vel Baptismo, vel pro Balsamo, nec pro sepultura vel Communione quidpiam exigatur, statuit: sed gratis dona Christi gratuita dispensatione donentur.

Concilium Generale Lateranense ralatum in Canone, ait: *Cum in Ecclesia corpore omnia debeant ex charitate tractari, & quod gratis* Can. Cūm in Ecclesiæ. De Simonia.
Tomus III. C

D. Tho. 4.
sent. dist. 4.

q. 2. art. 3.

quæstiuncula

2. in resp. ad

2.

Matth. 10.
v. 8.

Can. Dictum.
I. q. 1.

50 TRACTATUS I.

receptum est , gratis impendi : horribile nimis est , quod in quibusdam Ecclesiis locum venalitas prohibetur habere , ita ut pro Episcopis vel Abbatibus seu quibuscumque personis Ecclesiasticis ponendis , in sedem , sive introducendis Presbyteris in Ecclesiam , nec non & pro sepulturis & exequiis mortuorum , & benedictionibus nubentium , seu aliis Sacramentis aliquid requiratur . Putant autem plures ex hoc licere , quia legem mortis de longa invalidisse consuetudine arbitrantur ; non attentes , quod tanto graviora sunt crimina , quanto diutius infelicem animam tenuerunt alligatam . Ne igitur hac de cetero fiant , vel pro personis Ecclesiasticis deducendis in sedem , vel Sacerdotibus instituendis , aut sepeliendis mortuis seu benedicendis nubentibus , seu aliis Sacramentis conferendis , seu collatis , aliquid exigatur distictius prohibemus . Si quis autem contra hoc venire prafumpserit , portionem cum Giezi se noverit habiturum .

Id ipsum variis temporibus ab aliis Conciliis damnatum est , sic enim loquitur Concilium
Conc. Aquen. Aquense . Illud præterea diligenter caveant ,
se tit. de sa- ne pro illis administrandis ab ullo , vel om-
eram. ann. eram rerum inope Sacerdote , verbis aut etiam
1585. signis quicquam prorsus vel minimum quovis
modo petatur , exigaturve . . . Quod si quis
contra fecerit , is graviter ab Episcopo , pro
culpa ratione , puniatur non avaritia tantum
labe notatus , sed etiam simoniaca pravitatis
reus .

Rituale Rom. Denique Rituale Rom. de iis que in Sacra-
mentorum administr. generaliter observanda
sunt . Illud porro diligenter caveat , ne in Sa-
cramentorum administracione aliquid , qua-
vis de causa vel occasione , directe vel indi-

De Sacramentis. Cap. VII. 51

recte exigat aut petat; sed ea gratis ministrat, & ab omni simonia atque avaritia suspicione, nedum crimine longissime absit. Si quid verò nomine eleemosyna, aut devotionis studio, peracto jam Sacramento, sponte à fidelibus offeratur, id licet pro consuetudine locorum accipere poterit, nisi aliter Episcopo videatur.

